



Saksprotokoll

Organ: **Fylkesutvalet**

Møtedato: 25.11.2019

Sak nr.: 19/11646-4
Internt l.nr. 70443/19

Sak: 97/19

Tittel: **Høyring - NOU 2019:16 Skattlegging av vasskraftverk**

Behandling:

Frå fylkesrådmannen låg det føre slik tilråding til vedtak:

Fylkesutvalet i Sogn og Fjordane gjev slik uttale til Kraftskatteutvalet sin rapport:

1. Fylkesutvalet meiner utvalet sine tilrådingar bryt med ein hundreårig samfunnskontrakt mellom distrikta som produserer vasskraft og område som for forbruker vasskraft ved å sette produksjonskommunane i ein dramatisk økonomisk situasjon.
2. Fylkesutvalet meiner utvalet sine tilrådingar ikkje gjev insentiv til investeringar i fornybar vasskraft.
3. Fylkesutvalet ser det slik at utvalet sine tilrådingar bør leggjast bort.
4. Fylkesutvalet viser elles til fylkesrådmannen si saksutgreiing.

Endringsframlegg:

Arbeidarpartiet sette fram slikt framlegg til vedtak:

Avsnitt 2 under «oppsummert» i saksutgreiinga går inn som punkt 1 i vedtaket.

Avsnitt 5 under «oppsummert» i saksutgreiinga går inn som punkt 2 i vedtaket.

Åshild Kjelsnes sette fram slikt framlegg til nytt punkt 3:

Fylkesutvalet ser det slik at utvalet sine tilrådingar slik dei no ligg føre må leggast bort.

I vidare vurderingar av skattlegging av kraftverk må det vere representasjon av dei involverte partane, slik som t.d. energinæring og kraftkommunar/fylker.

Fylkesordføraren sette fram slikt framlegg til innleiing under nytt punkt 4:

Vasskraft gjev større langsiktig verdiskaping for samfunnet og ofte mindre naturinngrep.

Fylkeskommunen krev eit skatteregime som stimulerer det som gjev mest samfunnsnytte.

Aleksander Øren Heen sette fram slikt framlegg til nytt punkt 4, etter innleiinga:

Sogn og Fjordane fylkeskommune meiner det må gjerast endringar i konsesjonslova slik at vindkraft, både til lands og til havs, må avgje konsesjonskraft og på sikt bli underlagd eit skatteregime etter modell frå vasskraft som sikrar fortsatt utbygging og inntekter til felleskapen lokalt. For vindkraft til havs bør skatt og konsesjonskraft gå til fylket som ligg nærmast der krafta blir produsert.

Avrøysting:

Alle endringsframlegga vart samrøystes vedtekne.

Punkta 1, 2 og 3 i fylkesrådmannen si tilråding fekk ingen røyster.

Punkt 4 i fylkesrådmannen si tilråding vart samrøystes vedteke som nytt punkt 5.

Dette gir følgjande endeleg vedtak:

Fylkesutvalet i Sogn og Fjordane gjev slik uttale til Kraftskatteutvalet sin rapport:

1. Fylkesutvalet meiner føreliggjande tilrådingar representerer eit dramatisk brot på den samfunnskontrakt vi har hatt mellom stat, kraftutbyggar og vertskommune i meir enn hundre år. Kommunane har stilt sine naturressursar til rådvelde og har difor krav på ei varig og lovbestemt motyting for dei inngrepa som er gjort i naturen.
2. Fylkesutvalet støttar energibransjen i at det er utforminga av grunnrenteskatten som hindrar gjennomføring av lønsame investeringar i modernisering og utvidingar av gamle kraftverk. Forslaga frå utvalet gjev ikkje insentiv til nye investeringar frå kraftselskapa, heller tvert om. Frå kommunane si side vil det kunne gje grunnlag for lokal motstand mot elles ynskte utbyggingar.
3. Fylkesutvalet ser det slik at utvalet sine tilrådingar, slik dei no ligg føre, må leggast bort. I vidare vurderingar av skattlegging av kraftverk må det vere representasjon av dei involverte partane, slik som t.d. energinæring og kraftkommunar/fylker.
4. Vasskraft gjev større langsiktig verdiskaping for samfunnet og ofte mindre naturinngrep. Fylkeskommunen krev eit skatteregime som stimulerer det som gjev mest samfunnsnytte. Fylkeskommunen meiner det må gjerast endringar i konsesjonslova slik at vindkraft, både til lands og til havs, må avgje konsesjonskraft og på sikt bli underlagd eit skatteregime etter modell frå vasskraft som sikrar fortsatt utbygging og inntekter til felleskapen lokalt. For vindkraft til havs bør skatt og konsesjonskraft gå til fylket som ligg næraast der krafta blir produsert.
5. Fylkesutvalet viser elles til fylkesrådmannen si saksutgreiing.